

BERITA TERKINI DARIPADA KERATAN AKHBAR:  
**SINARHARIAN: JUMAAT, 22 OKTOBER 2010**  
**SENTRAL: J28**

# KTM Intercity mula operasi

Beri keselesaan kepada pengunjung, tarik lebih ramai pelancong



■ Seong Chang bersama Azman di hadapan Tren Sinaran Timur sebelum acara pelepasan.



■ Seong Chang mengibarkan bendera pelepasan Tren Sinaran Timur di Stesen JB Sentral, semalam.

## SITI AISAH HABIRIN

**JOHOR BAHRU** – Tarikh 21.10.2010 akan terus diingati menjadi memori bersejarah apabila tren-tren Keretapi Tanah Melayu (KTM) Intercity memulakan operasi di bangunan serba moden, Stesen JB Sentral.

Ketibaan kereta api pertama, Tren Shuttle pada jam 7.10 pagi perjalanan dari Gemas, Negeri Sembilan ke Singapura manakala jenis tren yang sama juga mencatat sejarah menjadi kereta api pertama berlepas dari Johor Bahru ke Gemas pada jam 10.20 pagi dari stesen itu semalam.

Tren Sinaran Timur menuju ke Tumpat, Kelantan dari Singapura pula memulakan perjalanan pertama dari stesen itu jam 2.45 petang semalam.

Acara pelepasan berjalan lancar dan disempurnakan oleh Pengerusi Jawatankua-



■ KHADIR

sa Pelancongan, Perdagangan Dalam Negeri dan Hal Ehwal Pengguna Johor, Hoo Seong Chang.

Terdahulu, tren pertama Keretapi Tanah Melayu Berhad (KTMB) yang sepatutnya berlepas buat kali pertama dari Stesen JB Sentral di sini jam 9 pagi semalam, hanya berlepas kira-kira lima jam 45 minit kemudian.

la berikutan masalah lan-

dasan kurang mampat yang dikesan di tiga lokasi berasingan pada landasan menuju ke Singapura sehingga menyebabkan dua perjalanan dari Gemas ke negara jiran itu yang dijadualkan berlepas jam 9 pagi dan 1.30 petang dari stesen tersebut dibatalkan.

Pegawai Operasi KTMB Antara Bandar Wilayah Selatan, Khadir Khalid berkata, masalah teknikal itu merupakan yang kali pertama berlaku sehingga menyebabkan dua perjalanan tren terawal terpaksa dibatalkan bagi menjamin keselamatan penumpang.

"Masalah itu bagaimanapun telah berjaya diatasi dengan menggunakan Sistem Pemampatan Landasan (Tamping System) pada jam dua petang.

"Kesemua 160 penumpang bagi kedua-dua perjalanan itu juga telah dipin-

dahkan ke empat bas yang disediakan pihak kami sebelum mereka meneruskan perjalanan ke Singapura," katanya kepada pemberita di selepas acara pelepasan di stesen itu, di sini, semalam.

Turut hadir Pengarah Urusan KTMB (Kargo), Azman Ahmad Shaharbi dan Pengurus Kanan Komunikasi Korporat KTMB, Mohd Fazil Ismail.

Bermula semalam, semua kereta api KTMB antara bandar akan beroperasi dari Stesen JB Sentral, menggantikan Stesen Keretapi Johor Bahru yang telah beroperasi sejak 1 September 1932.

Stesen kereta api lama itu pula dijangka akan dijadikan Muzium Mini KTMB Wilayah Selatan dengan peruntukan sebanyak RM300,000 dan projek ubahsuai bangunan itu akan bermula pada Disember ini dan dijangka siap sepenuhnya

pada Mac 2011.

Khadir berkata, masalah teknikal menyebabkan kelewatan perjalanan seperti kerosakan lokomotif dan landasan bukan sesuatu yang luar biasa, dan pihaknya sentiasa bekerja keras dari masa ke semasa bagi memastikan keselamatan dan keselesaan penumpang.

Sementara itu, Mohd Fazil berkata, penumpang kini lebih berpuas hati dengan ruang menunggu yang lebih selesa, luas serta berhawa dingin, selain kemudahan transit menggunakan pengangkutan-pengangkutan awam lain yang lebih efisien di Stesen JB Sentral.

"Stesen lama yang akan dijadikan muzium yang merangkumi segala informasi berkaitan KTMB juga akan dibuka selewat-lewatnya Mac tahun depan dengan cadangan bayaran masuk sebanyak RM1 seorang," katanya.

BERITA TERKINI DARIPADA KERATAN AKHBAR:  
SINARHARIAN: JUMAAT, 22 OKTOBER 2010  
SENTRAL: J28



■ Seong Chang di hadapan Tren Sinaran Timur sebelum acara pelepasan.



■ Tren Sinaran Timur berlepas dari Stesen JB Sentral, semalam.

**REAKSI AWAM**



“Keadaan persekitaran stesen baru memang cantik dan kelihatan bersih. Ia mampu memberi impak positif terhadap tanggapan pelancong kepada negeri ini khususnya.”

■ Aileen Shazlin Shukree



“Saya begitu teruja dengan wajah baru Stesen JB Sentral ini, juga merasa bangga menjadi anak Johor yang merasai kemajuan demi kemajuan. Diharap stesen ini mampu menjadi pintu masuk pelancong utama yang dapat menjana pendapatan ekonomi negara.”

■ Adam Muhamad Zainal Arifin



“Stesen ini luas menyediakan banyak ruang niaga dan peniaga tempatan boleh ambil kesempatan untuk berniaga mencari rezeki.”

■ Natasha Affendi